

新脩會昌縣志卷之十二

方外志目

仙釋

寺觀

會昌縣志 卷之十二

一

新脩會昌縣志卷之十二

方外志

仙釋方伎無裨於文獻而志必及之豈漁  
恠獵幻以瞽眩人耳目耶蓋以神道設教  
聖人不廢竒聞異見所在不乏苟事有足  
徵亦紀載所不得而畧也作方外志

仙釋

僧明圓自幼出家意欲選勝駐錫携其徒從  
寧都至會昌得漢溪巖遂向諸檀越乞居

會昌縣志

卷之十二

又一

焉衆曰是榛莽之區而蛇虺之宅也惡乎  
居明圓曰但發菩提心當爲山靈呵護未  
可知願試往乃止其徒於外獨身入最幽  
處冥心寂坐中夜鬼擲沙石盈膝前不爲  
動詰朝諸檀越來視見其趺坐晏如異之  
揖令起曰未也因合掌望空作禮曰山靈  
果許我居此當以鐘鼓三聲爲信祝未已  
彭鉤應之如嚮衆大異之勸施坌集於是  
明圓誅茅結菴建觀音堂於其中蓋隆慶

六年三月間事也第出入從石攀躋頗覺艱澁唯左石壁路可通而難施斧鑿明圓日夕向石壁持唄咒不輟至五月十四日未刻倏忽雷電晦冥劃然石開五尺許見者益大駭異自是人可駢肩行而山之竒跡日顯遊覽者日益衆名公題咏至謂可比閩之武夷云夫太華兩分擘以巨靈之手中巖三裂扣以神僧之鑰疇昔竒詭之跡類如此今明圓舉念而石自爲開此其

會昌縣志

卷之十二

二

精誠之極感召山靈可與太華中巖爭雄矣見府志

天圓禪師明弘治間卓錫于龍歸山菴適有以熟杏點茶供師者師取杏納之隙地中且曰熟菓生則道力辦矣後杏果生至今樹猶蕃茂遇豐年可収十餘斗其杏無心與他杏異俗稱爲無心菓師時挈瓢笠他遊匝月而是鄉鷄犬寂然無聲衆奔告師師曰可呼龍歸忽牧豎呼牛歸衆隨應聲

曰龍歸自後鷄鳴犬吠如常鄉人因以龍  
歸名其山

明了蓮塘菴僧樸訥無華素不諳文字或質  
以經藏內典語輒應荅如流若有神悟人  
目爲惠能再世時李君爵佐內君病甚危  
篤命巫禱於賴神病者**懵**不省事忽驚起  
曰賴神不在纔送明了過橋衆愕然因往  
察之果見明了于橋畔具告以故延之至  
家以慰病者病亦尋愈順治丙戌正月十

會昌縣志

卷之十二

三

五日明了語□□瑞曰後二年當有屠城  
之慘公其早□之貧僧將歸西土矣言訖  
越五口明了示寂及戊子城破舉邑鮮有  
全者惟啟瑞一家無恙其幾先之神如此  
明了當示寂時集大衆告之曰興龍菴鼓  
鳴我傻去日將午適兒童相戲撾鼓卽索  
筆作偈云明明一尊古佛了了脫却塵埃  
翻身撒手懸崖且向淨土蓮臺汝來看我  
無遮碍我來看汝笑顏開書畢合掌趺坐

而逝明了法名性光福建漳州人  
睂鑑禪師諱智藻別號旅關徐州沛縣杜氏  
子年十二出家依興國寺無瑕長老居因  
禮普陀遇本珠玕公於開元寺本一見竒  
之卽以生死事大相勸勉師別去遂專意  
參究頗有所得再謁本本詰曰父母未生  
以前那箇是你本來面目師愕然乃從本  
開堂鳳日凡所質證本輒呵之師一日如  
廁聞風吹樹聲有省當晚本舉話令衆下

語畢衆退本顧謂師曰適纔四人下語有  
一人的語親切你道是誰師曰那一人不  
曾開口本曰明日普請檢木子只如不開  
口的人還檢木子否師曰他家自有兒孫  
本頷之自是肩荷大法道風遐播順治辛  
卯郡人姚文所請主芙山乙未以省親縣  
里親旣逝師閉關金陵之牛首越己亥春  
姚復堅懇至再師可其請遂移錫還凡四  
方來叅者接踵以至焉師于芙山直重闢

門庭矣

謝天倫字筠泉本邑人少得異人傳精脩煉之術年逾耄耄顏如嬰童嘗箬冠芒履獨步山顛採黃精以餌人不之知也尤善禱晴雨邑中旱澇倫爲祈求輒響應焉先是半山寺有三潮泉潮信湧沸不爽倫以其水爲雲雨資潮尋潰適歲值旱甚衆舉倫爲禱倫約三日大雨屆期日尚酷烈倫步壇號召倏忽風雷震疊雨注如傾雩前大

會昌縣志

卷之十二

五

樹盡爲拔起而雲霓盤旋空際如虬龍飛舞見者莫不叱咤驚竒且滂沱竟日百里之外咸霑足焉一日倫與巫同飲巫狎之作邪術以魘倫倫覺反祝雷神魘巫巫拜伏求解乃已以此人皆稱爲謝真人云會昌仙遊巷舊有仙明道院相傳昔時呂洞賓曾遊于此故巷名仙遊

賴神楚人晉時事老子教隱于□□後至祁山得飛昇變幻之術遂證元宗其發跡于

湘江者不知何代相傳昔時洪水漫漶邑有金姓者夜於江岸捕魚忽有香木浮水面而來入網中麾之急流不去復入者數數漁者異之取以歸夢神告以故于是刻木爲神像建廟於邑之西澣威靈赫濯闔邑士庶靡不奔走禱祀於庭其拯危出險於江湖者呼之如應嚮焉曩時寇亂制憲發兵征勦賊從陣中見一大白旗上書賴字遂卻走官兵追斬俘獲無筭說者謂神

會昌縣志

卷之十二

又五

助以捷也明正德間時值大旱虔撫大中丞王陽明先生爲文禱於神甘霖立沛其捍災禦患福施於民又如此道家上神秩初曰元帥晉曰嘉應候再晉曰四海靈應王宐矣

蕭保舍人姓蕭名鎰本邑人年十二補文學弟子員性好挾弓打彈忽一日途遇一人衣冠甚偉謂舍人曰今黃鄉寇亂汝可佐吾威賊舍人許諾歸家暴卒母蒙氏疑爲

嫡母子鉉所鳩害訟於官繫之獄是夜令君夢賴神告之口蕭某有勇畧奉上帝令佐吾勦賊立功鉉實冤甚宜急出之而舍人亦自托夢於家與令君符因出鉉於獄命塑舍人像入祠威靈赫奕並血食不替云

白衣神姓氏籍里未詳發蹟於邑之磐石堡地名田坑其地產巨杉有木客貿之爲材三年不得達於河一日有礪石爲衆工人

會昌縣志

卷之十二

六

磨刀斧具夜忽投入於水拾起置溪畔夜則入水如故如是者數四衆以爲同儕相戲也互相牴牾已而約曰今夕各不可戲看此石如何晨起視之又在水中乃異之移置一所其夕客夢有衣白一偉人來告曰吾兄弟五人欲棲於此子能建廟居之當爲達木於河客曰唯唯一夕雷電晦暝大雨如注平地水深十尺其木悉達於河自坑距河且二十里其石礫高險處不可



勝計不意其倏忽而至也客喜甚然所經  
過田畝悉被漂沒鄉人皆呶呶訾客以爲  
行邪術壞民田欲訟於官客又向神祝之  
夢神復告曰易耳子勿憂一夕風雨又作  
水逆流而上雨止則所漂沒者填塞如前  
以此俗呼田坑又爲填坑云嗣是水東居  
民奉爲合坊香火神有五若皂衣若紫衣  
若白衣若青衣若□衣而白衣居三焉稱  
白衣三郎凡所教禳□□奇驗攷之祀典  
爲靈昭昭祀之以□□□功非瀆也

### 寺觀

南禪寺 在縣治南鎮湘門內宋宣和中建  
明成化乙巳僧洪福重脩鼎革燬於兵順  
治己丑僧達慈卽其故址築一小菴

天真觀 在縣南駝峯元初廢明洪武間剏  
建復燬於寇永樂戊戌守禦所李茂捐資  
重建囑紫霄觀道士謝長春住持正統辛

西道會劉雪文重脩因爲道會司

武當行宮 在縣南駝峯天真觀右僧行瑋  
住持

觀音堂 在縣南二里明永樂間建

護生菴 在縣南五里明崇禎戊寅僧元蓋  
創建元蓋精通戒律因而經始其地披榛  
剪棘鑿井開泉事事若有神助

竹林寺 在縣南五里與護生菴並峙明天  
啟丙寅創建 國朝康熙壬寅僧眞慧如

會昌縣志

卷之十二

八

潤重脩其地茂林脩竹頗稱勝致

仰山寺 在縣南七里唐開元間建明弘治  
間重脩邑人許顯宗捐其田爲常住

六祖寺 在縣北三里背枕明山面臨湘水  
紺宇瀕深嘉木蒙密誠一邑之佳勝也舊  
名梵行院唐開元間僧應珠創建宋淳熙  
間僧空谷重脩易以今名明洪武壬子僧  
無礙成化辛丑僧性暉相繼脩理復廣大  
之□□□□□□□□□□堂大觀亭及官

廳靜室今盡廢惟存三寶殿僧廊然皆傾圮頹敗賴僧如響與其徒性堅募工脩葺而法衆更興響之願力弘矣

半山寺 在明山之半六祖寺右年久頹圮

康熙戊申邑人李克常捐金重造置田常住

眞君閣 在縣水東步雲橋首

佛祖閣 在縣水東

蓮塘菴 在縣水東

會昌縣志

卷之十二

九

水府祠 在縣水西洪下

秘藏寺 在闔山之麓

白雲寺 在白雲山

大明寺 在大明巖

智門寺 在盤古山頂

祖師殿 在湘鄉紫雲山趙公巖之頂有僧

住持

智勝禪院卽漢仙巖寺明隆慶四年僧明圓創建崇巖疊巘凌霄競聳勝甲一邑比部

唐君伯元侍御周君玄暉並有記載菽文  
志中

蕭巖寺卽蕭帝巖寺巖有勝景五憑虛閣石  
倉石關牀洞清渡遊觀者多所題詠云

方廣寺 在鴈門保去縣一百二十里明初  
創建宣德間僧寶殊重脩

福龍寺 在水頭去縣七十里明嘉靖間創  
建

獅子菴 在獅子巖

會昌縣志 卷之十二 十

鐵山菴 在鐵山

龍歸菴 在龍歸山卽天圓禪師駐錫處事  
見前

慈忍禪院 在承鄉芙山舊院久圯順治辛

卯郡人姚應章因其故址築靜室延洞宗  
眉鑑師居焉辛丑復建葺經閣購藏經置

常住田累費千金皆出一人捐施非師之

願豎行足安所得姚君信心若是哉明經

楊兆鳳孝廉伍達行爲之記載菽文誌中

六念庵 在承鄉米纍坑距芙山十里僧穎  
機勅建躬作奉佛勤勞所積自忍饑寒常  
周人之急真有一片婆心焉

靈隱寺 在承鄉萬松山

紫雲庵 在承鄉紫雲山

高明僊苑 在曾坊嶺頂有祖師殿相傳枉  
鏤木龍常蜿蜒江潭返而苔衣披罩鱗甲  
僧疑刺之液流不止經三載雷火一爍殿  
前僧方鑑勤修苦行爲院住持